

2. Javni poziv

Na osnovu člana 12. Zakona o Ministarstvima i drugim organima uprave Bosne i Hercegovine („Službeni glasnik BiH“, br: 5/03, 42/03, 26/04, 42/04, 45/06, 88/07) i na osnovu člana 16. Zakona o upravi („Službeni glasnik BiH“, br:32/02) i na osnovu čl. 1. i 2. Odluke o rasporedu budžetskih sredstava za rješavanje problema Roma u oblasti zapošljavanja, stambenog zbrinjavanja, zdravstvene zaštite i realizacije programa evidentiranja i uspostave baze podataka o Romima u Bosni i Hercegovini (koju je Vijeće ministara BiH usvojilo na 90. sjednici, 11.06.2009. godine), ministar za ljudska prava i izbjeglice Bosne i Hercegovine raspisuje:

JAVNI POZIV za prikupljanje projektnih prijedloga za rješavanje problema Roma u oblasti stambenog zbrinjavanja

Predmet i cilj javnog poziva

Predmet javnog poziva je prikupljanje projektnih prijedloga za rješavanje problema Roma u oblasti stambenog zbrinjavanja za 2009. godinu u cilju implementacije Akcionog plana Bosne i Hercegovine za rješavanje problema Roma u oblasti stambenog zbrinjavanja.

Visina i namjena sredstava

Ukupno osigurana sredstva namijenjena za sufinansiranje projekata stambenog zbrinjavanja Roma iznose 2.263.000,00 KM, od čega:

- u Federaciji Bosne i Hercegovine	1.567.000,00 KM
- u Republici Srpskoj	583.000,00 KM
- Brčko Distriktu BiH	113.000,00 KM

Pravo učešća na javnom pozivu

Pravo učešća na javnom pozivu imaju općine, gradovi, kantoni, entiteti, domaće i strane, vladine i nevladine organizacije i institucije i drugi domaći i strani donatori u saradnji sa općinom na čijem se području provodi projekat.

Opći uslovi za učešće na javnom pozivu

Opći uslovi za podnošenje projektnih prijedloga koji su eliminatorni i obavezujući za sve podnosiocce su:

- a) Krajnji korisnici projekata su Romi i romska domaćinstva koja nemaju riješeno stambeno pitanje,
- b) Uključenost romske populacije (NVO) i centara za socijalni rad u identifikaciju krajnjih korisnika,
- c) Utvrđeno pravo vlasništva nad stambenom jedinicom koja je predmet projekta,
- d) Pravo korištenja stambenih jedinica od strane krajnjih korisnika je osigurano na neodređeno vrijeme,
- e) Ispunjeni su odgovarajući uslovi u skladu sa propisima o građenju.

Posebni kriteriji za vrednovanje projektnih prijedloga

Posebni kriteriji kao elementi za vrednovanje projektnih prijedloga koji će služiti kao osnov za rangiranje prema prioritetima su:

- 1) Kvalitet i sveobuhvatnost projekta,
- 2) Učešće u sufinansiranju (sredstvima, zemljištu, infrastrukturi i dr.),
- 3) Broj krajnjih korisnika projekta u odnosu na tražena sredstva,
- 4) Racionalnost u planiranju troškova izgradnje (cijena koštanja m2 stambenog prostora),
- 5) Doprinos društvenoj uključenosti Roma i razvoju održivih zajednica.

Način vrednovanja posebnih kriterija

Maksimalan broj bodova kojima se vrednuju posebni kriteriji ukupno je 100, od čega se vrednuje:

- 1) Kvalitet i sveobuhvatnost projektado 30 bodova,
- 2) Učešće u sufinansiranju (sredstvima, zemljištu, infrastrukturi i dr.) ...do 30 bodova,
- 3) Broj krajnjih korisnika projekta u odnosu na tražena sredstva..... do 20 bodova,
- 4) Racionalnost u planiranju troškova izgradnjedo 10 bodova,
- 5) Doprinos društvenoj uključenosti Roma i razvoju održivih zajednica ..do 10 bodova.

Vrijeme trajanja javnog poziva i način podnošenja projektnih prijedloga

Prijave na javni poziv, zajedno sa pratećom dokumentacijom, dostavljaju se lično ili putem pošte na adresu Ministarstva za ljudska prava i izbjeglice BiH, Trg BiH 1, u zatvorenim kovertama, sa naznakom za Komisiju za odabir projekata iz oblasti stambenog zbrinjavanja Roma u BiH, **ISKLJUČIVO NA PRIJAVNOM OBRASCU** koji se može preuzeti u prostorijama Ministarstva za ljudska prava i izbjeglice BiH ili je dostupan na stranici www.mhrr.gov.ba

Javni poziv za prikupljanje projektnih prijedloga otvoren je 30 dana od dana objavljivanja.

Neblagovremene prijave se neće uzimati u razmatranje.

Evaluacija projektnih prijedloga i način odabira projekata za sufinansiranje

Komisija za odabir projekata iz oblasti stambenog zbrinjavanja Roma imenovana Odlukom ministra za ljudska prava i izbjeglice BiH utvrdit će osnove i izvršiti vrednovanje projektnih prijedloga prema kriterijima najkasnije u roku od mjesec dana od dana isteka roka za dostavu projektnih prijedloga.

Komisija za odabir projekata iz oblasti stambenog zbrinjavanja Roma zadržava pravo da od podnosioca zatraži dodatna pojašnjenja projekta i dopunu projektne dokumentacije.

Odluku o odabiru projekata za sufinansiranje donosi ministar za ljudska prava i izbjeglice BiH, na osnovu prijedloga Komisije za odabir projekata iz oblasti stambenog zbrinjavanja Roma .

Način obavještanja o odabiru projekata za sufinansiranje

Obavijest o odabiru projekata biće dostavljena u pismenoj formi svim učesnicima na javnom pozivu.

Sa podnosiocima odabranih projektnih prijedloga zaključit će se posebni ugovori o sufinansiranju projekata za rješavanje problema Roma u oblasti stambenog zbrinjavanja.

MINISTAR

dr. Safet Halilović